



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XLVI. Deus noster refugium & virtus, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Fili, et hos habeant climata cuncta Duces.
Nominis ipse tui faciam meminisse nepotes,
Ut populi grates hinc tibi semper agant.*

PSALMVS XLVI.

Deus noster refugium & virtus, &c.

DEVUS meum solatium,
Et fortitudo protegens,
Idemq; asylum est unicum,
Et robur in periculis,
Suos fideles adiuuans.
Nil ergo nos timebimus,
Orbis licet fractus ruat,
Et fluctibus motum fremat
Minax mare, atq; turgeat,
Voluatq; montes maximos:
Tamen Jehouæ maximi
Immota stabit cinitas,
Firmata turribus suis,
Suis rigata riuulis.
Suo tuetur optimo
Vrbem suam munimine,
Munusq; præsidis gerens

Tutatur

Tutatur à periculis.
Tumultuentur impia
Gentes metu perterrita,
Et regna mundi concidant,
Opesq; terra defluant,
Deus fragore maximo
Quando dabit tonitrua.
Deus Jacobi Prepotens,
Deus Zebaoth Maximus
Manu sua nos erigit,
Dextrà suà nos protegit,
Virtute nos sua adiuuat.
Venite gentes, cernite
Opus Dei mirabile.
Venite gentes, cernite
Præclara facta huius Dei.
Venite gentes, cernite
Insigne robur Numinis,
Quod bella sedat omnia,
Componit & certamina.
Quod frangit arcus ferreos,
Hostisq; tela conterit.
Hæc vox Iehouæ est maximi,

Tacete,

Tacete, gentes, cernite,
Quòd sim Deus magnus, potens,
Paransq; gloriam mihi,
Terrarum in orbe amplissimo,
Victis triumphans hostibus,
Domansq; gentes efferas.
Deus Iacobi prepotens,
Deus Zebaoth prepotens,
Manu sua nos erigit,
Dextrà suà nos protegit,
Virtute nos sua adiuvat.

PSALMVS XLVII.

Omnes gentes plaudite manibus, &c.

PLaudite, terrigena, manibus cunctiq; Iehoua,
Hymnisonum, populi, psallite voce melos. 2
Terribilis Dominus caelo, terraq; tremendus, 3
Terrarum Dominus conditor atq; poli. 4
Ille iugo forti populorum colla domabit, 5
Nam pedibus Domini subiacet omnis homo. 6
Ille sui haeredes regni nos legit in auum, 7
Qui sumus Isacida gloria, laus & honor. 8
Insigni pompa Deus est euectus in altum, 9
Quem